

Euskal AEko txikizkako merkataritzaren sektorean salmentak % 3,1 murriztu dira 2009ko bigarren hiruhilekoan

Espezializatu gabeko txikizkako merkataritzan salmentek % 3,0ko urte arteko beherapena izan dute; espezializatutakoen salmentek, aldiz, % 3,2ko beherapena

Eustaten datuen arabera, eta lan-egutegi homogeenari dagokionez, Euskal AEko txikizkako merkataritzaren sektorean salmenta nominalak % 3,1 gehitu dira 2009ko bigarren hiruhilekoan, aurreko urteko denboraldi beraren aldean.

Aurreko hiruhilekoarekin erkatuta, txikizkako barne-merkataritzaren salmentek, desestazionalizatu ostean, % 0,8ko gehikuntza izan dute balio nominaletan.

Balio errealetan, aldiz, eta prezioen eragina kendu ostean, urte batetik bestera txikizkako sektorearen salmentek % 3,5 egin dute behera. Aurreko hiruhilekoarekin erkatuta, balio finkoetan, txikizkako merkataritzaren salmentak % 0,7 gehitu dira.

TASAS REALES DE CRECIMIENTO INTERANUAL. C.A. DE EUSKADI

Urtea	Hiruhilekoa	Txikizkakoa	Espezializatua	Ez-espezializatua (Azal. Ertain eta handiak)
2007	II	0,1	0,7	-0,9
	III	1,7	2,3	0,5
	IV	0,4	0,4	0,3
2008	I	-1,9	-1,2	-2,8
	II	-3,4	-4,1	-2,4
	III	-0,8	-0,2	-2,3
	IV	-6,1	-6,2	-5,5
2009	I	-7,7	-9,0	-4,6
	II	-3,5	-3,3	-3,6

Iturria: EUSTAT

Txikizkako merkataritza espezializatuan % 3,2 murriztu dira salmenta nominalak 2009ko bigarren hiruhilekoan, 2008ko aldi beraren aldean; espezializatu gabeko txikizkako merkataritzan, ordea, % 3,0 murriztu dira.

Balio errealetan, txikizkako merkataritza espezializatuak % 3,3ko beherapen tasa izan du eta espezializatu gabeko txikizkako merkataritzak % 3,6 egin du behera.

Txikizkako merkataritza espezializatuan urte batetik besterako beherapen tasarik handiena, balio nominaletan, etxeko hornikuntzaren sektoreak izan du: % 5,8 egin du behera. Pertsonaren ekipamenduaren sektoreak ere egin du behera, % 3,6, balio nominaletan; bestelako kontsumo ondasunen salmentek ere egin dute behera, % 3,2.

Beste alde batetik, elikaduran espezializatutako sektoreek % 1,8 egin dute behera balio nominaletan.

Balio finkoetan ere etxeko hornikuntzaren sektorea izan da urte batetik bestera beherapena handiena izan duena: -% 6,8. Bestelako kontsumo ondasunen salmentek % 4,1 egin dute behera eta pertsonaren ekipamenduaren sektoreak % 2,5. Azkenik, elikaduran espezializatutako sektoreek % 1,4 egin dute behera, balio errealetan betiere.

Espezializatu gabeko txikizkako merkataritza, elikadura nagusi den hori, balio nominaletan % 2,4 egin du behera. Espezializatu gabeko merkataritzan, gainerako produktuak nagusi diren horretan, % 5,2ko beherapena izan da balio nominaletan.

Euro konstanteetan, espezializatu gabe dagoen eta elikadura nagusi den txikizkako merkataritzaren salmentek urte batetik bestera % 3,2ko beherapena izan dute. Gainerako produktuak nagusi dituen merkataritza espezializatuan, balio errealetan, % 6,2ko beherapena izan da.

Lurraldeka, 2009ko bigarren hiruhilekoan, Arabako txikizkako barne-merkataritzak % 3,7ko beherapena izan du balio nominaletan, aurreko urteko hiruhileko beraren aldean. Gipuzkoako salmentak % 3,2 jaitsi dira balio nominaletan eta Bizkaiko salmentak % 2,9.

Aurreko hiruhilekoaren aldean, eta datuak desestazionalizatu ostean, balio nominaletan Gipuzkoako txikizkako barne-merkataritzaren salmentak % 1,0 gehitu dira; Bizkaian, berriz, % 0,8 gehitu dira eta Araban % 0,2.

Balio konstanteetan, urte batetik bestera Arabak % 4,0 egin du behera, Gipuzkoak % 3,5 eta Bizkaiak % 3,3. Aurreko hiruhilekoarekin erkatuta eta euro konstanteetan, Arabako eta Bizkaiko salmentak % 0,1 eta % 0,7 gehitu dira hurrenez hurren, eta Gipuzkoakoak % 0,9 hiruhileko batetik bestera.

Txikizkako merkataritzako **enpleguak** % 0,6 egin du behera 2009ko bigarren hiruhilekoan, aurreko hiruhilekoaren aldean. Arabakoak % 2,5 egin du behera, Gipuzkoakoak % 0,8 eta Bizkaikoak % 0,1.

Argibide gehiago:

Euskal Estatistika Erakundea

Donostia-San Sebastian kalea, 1. 01010 Vitoria-Gasteiz

Tel.: +34-945-01 75 00 Faxe: +34-945-01 75 01 Helb. elek.: eustat@eustat.es

Harremanetarako pertsona: Gerardo Pérez Aja

Tel.: +34-945-01 75 06 Faxe: +34-945-01 75 01

Prentsa-oharrak Interneten: www.eustat.es